

**ქვეპროგრამის დასახელება:** სოციალურად დაუცველ ოჯახებში ყველა ახალშობილზე ერთჯერადი დახმარება

**რა არის ქვეპროგრამის არსი?**

სოციალურად დაუცველი ოჯახებისთვის ახალშობილის შექმნის შემთხვევაში მატერიალური დახმარების გაწევა.

**ვინ არიან ქვეპროგრამის ბენეფიციარები?**

ქალაქ თბილისში რეგისტრირებული სოციალურად დაუცველი ოჯახები, რომლებსაც ახალშობილის დაბადებისას სოციალურად დაუცველი ოჯახების მონაცემთა ერთიან ბაზაში მინიჭებული აქვთ 100 000 და დაბალი სარეიტინგო ქულა.

**რას მოიცავს ქვეპროგრამა?**

ფულადი დახმარების ოდენობა შეადგენს 500 ლარს, ერთჯერადად.

თუ მოსარგებლე განცხადებით, შესაბამისი დოკუმენტების წარმოდგენით დაადასტურებს, რომ ახალშობილი ბენეფიციარი ოჯახის წევრის მე-3 ან შემდეგი შვილია, მაშინ ის მოიპოვებს დამატებით ერთჯერადი დახმარების მიღების უფლებას, შემდეგი ოდენობით:

- ა) 300 ლარი - მე-3 ახალშობილზე;
- ბ) 500 ლარი - მე-4 ახალშობილზე;
- გ) 1000 ლარი - მე-5 და შემდეგ ახალშობილზე.

**როგორ უნდა მიიღოს ოჯახმა ბენეფიტი?**

თანხა ჩაირიცხება ბენეფიციარი ოჯახის უფლებამოსილი პირის საბანკო ანგარიშზე, საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს, სსიპ სოციალური მომსახურების სააგენტოდან, ახალშობილის დაბადების წლის განმავლობაში ან მომდევნო წლის 1 მარტამდე მოწოდებული ბაზის საფუძველზე, ოჯახის მიერ ბაზაში ახალშობილის დარეგისტრირების შემთხვევაში.

კუთვნილი თანხის დარიცხვა ხორციელდება მომსახურე ბანკიდან ("თიბისი ბანკი") ბენეფიციარის სახელზე არსებული აქტიური ანგარიშის შესახებ ინფორმაციის მიღების შემდეგ.

**რა დოკუმენტები უნდა წარმოადგინოს ოჯახმა ?**

მე-3 ან შემდეგი შვილის შექმნისას დამატებითი თანხის მისაღებად წარმოდგენილი უნდა იქნას:

- პირადობის დამადასტურებელი მოწმობის ასლი (ერთ-ერთი მშობლის მაინც)
- ახალშობილ(ებ)ის დაბადების მოწმობის ასლი